



2022 йил 27 октябрь

№ РС-62-22

Тошкент шаҳри

**Ўзбекистон Республикаси Олий судининг Жиноят ишлари
бўйича судлов ҳайъати томонидан 2022 йилнинг учинчи
чорагида кассация тартибида кўрилган ишлар бўйича
суд амалиёти обзори тўғрисида**

Ўзбекистон Республикаси Президентининг “Суд-ҳуқуқ тизимини янада такомиллаштириш ва суд ҳокимияти органларига ишончни ошириш чора-тадбирлари тўғрисида” 2018 йил 13 июлдаги ПФ-5482-сонли Фармонида ишларни кассация тартибида кўриб чиқиш амалиёти обзорларини ҳар чоракда эълон қилиш вазифаси юклатилган бўлиб, бу суд органлари фаолиятининг янада шаффофлигини таъминлаш, аҳоли билан очиқ мулоқотни кенгайтириш ва одил судловни амалга оширишда жамоатчилик ролини кучайтиришда муҳим аҳамият касб этади.

Жиноят ишлари бўйича судлов ҳайъатининг ўтган даврдаги фаолияти таҳлилларига кўра, судлов ҳайъати томонидан Олий суднинг 2022 йил иккинчи ярмига мўлжалланган иш режаси, дастурлар ва йўл хариталарида белгиланган вазифалар ижроси юзасидан муайян ишлар амалга оширилган.

Жиноят ишлари бўйича судлов ҳайъатига 2022 йилнинг тўққиз ойида жами 12 097 та (апелляция, кассация ва такроран кассация тартибида) шикоят (ариза, мурожаат ва протестлар) келиб тушган.

Шикоят (ариза)ларнинг 10 591 таси ёки 87,6 фоизи ўрганиб чиқилган, шундан 5 446 таси (45 %) судлов ҳайъатига ўтказилган, 4 203 таси (34,7 %) судлов ҳайъатига ўтказиш рад этилган, 942 таси (7,8 %) қайтарилган, 1 506 таси (12,5 %) ҳисобот охирига қолдиқ бўлиб қолган.

Ҳисобот даврида Жиноят ишлари бўйича судлов ҳайъати кассация инстанциясида кўрилган 5 060 нафар шахсга нисбатан 4 600 та жиноят ишининг 235 нафар шахсга нисбатан 235 таси ҳарбий ва махфий ишлар, 15 нафар шахсга нисбатан 11 таси Олий суд апелляция инстанциясида кўрилган ишлар бўлса, 4 810 нафар шахсга нисбатан 4 354 таси вилоятлар ва уларга тенглаштирилган судларнинг апелляция инстанцияси томонидан кўрилган ишлар ҳисобланади.

Вилоятлар ва уларга тенглаштирилган судларнинг апелляция инстанцияси томонидан кўрилган жиноят ишларининг, шахсга нисбатан 3 495 таси (72,6 %) ўзгаришсиз қолдирилган, 55 таси (1,1 %) бекор қилинган, 821 таси (17,1 %) бўйича юқори инстанция судининг қарори бекор қилиниб, жиноят иши янгидан апелляция инстанция судида кўриш учун юборилган, 409 таси (8,5 %), шу жумладан 17 таси қонунга

мувофиқлаштирилганлиги муносабати билан, 13 таси эса моддий зарар қопланганлиги сабабли ўзгартирилган.

Шунингдек, маъмурий ҳуқуқбузарликлар тўғрисидаги ишлар билан боғлиқ жами 1 558 та шикоят (ариза, мурожаат ҳамда протестлар) келиб тушган. Шикоятларнинг 1 251 таси ўрганиб чиқилиб, 933 таси судлов ҳайъатига ўтказилган, 318 тасини судлов ҳайъатига ўтказиш рад қилинган ёки қайтарилган.

Судлов ҳайъати судьялари томонидан кассация инстанцияси судида жами 978 нафар шахсга нисбатан 933 та маъмурий ҳуқуқбузарликлар тўғрисидаги ишлар кўриб тамомланган. Шундан суд қарорларининг 245 нафар шахсга нисбатан 244 таси бекор қилинган, 124 нафар шахсга нисбатан 115 таси ўзгартирилган, 609 нафар шахсга нисбатан 570 таси ўзгаришсиз қолдирилган.

Ўзгартирилган ёки бекор қилинган суд қарорлари таҳлили, судлар ишларни биринчи ҳамда апелляция инстанцияси судларида кўришда моддий ёки процессуал қонун талабларини, хусусан Ўзбекистон Республикаси Жиноят кодексининг 8, 54-моддалари, Жиноят-процессуал кодексининг 22, 463, 509⁸-моддалари ва Маъмурий жавобгарлик тўғрисидаги кодексининг 307-моддасини қўллашда хатога йўл қўйганликларини, шунингдек Олий суд Пленумининг "Суд ҳукми тўғрисида" 2014 йил 23 майдаги 7-сонли қарори талабларини инобатга олмаганликларини кўрсатмоқда.

Судьялар одил судловни амалга оширишда қонунга ва судга нисбатан ҳурмат муносабатини шакллантирган ҳолда ишларни ўз вақтида ва объектив кўриб чиқиши, моддий ва процессуал ҳуқуқ нормаларини тўғри қўллаши, фуқаролар ва юридик шахсларнинг бузилган ёки низолашилаётган ҳуқуқлари, эркинликлари ва қонун билан қўриқланадиган манфаатларини ҳимоя қилиши, қонун устуворлиги, қонунийликни мустаҳкамлаш ва жиноятларнинг олдини олиш, айб учун жазонинг муқаррарлигини таъминлаши зарур.

Суд амалиёти обзорида судлар томонидан йўл қўйилаётган хатоликлар таҳлил қилинган. Таҳлиллар судьялар томонидан чуқур ўрганилган ҳолда келгусида суд қарорларининг барқарорлигини таъминлаш юзасидан барча зарурий чораларни кўришга қаратилган.

Олий суднинг Жиноят ишлари бўйича судлов ҳайъати томонидан 2022 йилнинг учинчи чорагида кассация тартибида кўрилган ишлар бўйича суд амалиёти обзори муҳокама қилиб, "Судлар тўғрисида"ги Ўзбекистон Республикаси Қонунининг 28-моддасига мувофиқ, Олий суд Раёсати

Қ А Р О Р Қ И Л А Д И:

1. Ўзбекистон Республикаси Олий судининг Жиноят ишлари бўйича судлов ҳайъати томонидан 2022 йилнинг учинчи чорагида кассация

тартибида кўрилган ишлар бўйича суд амалиёти обзори иловага мувофиқ маълумот учун қабул қилинсин.

2. “Ўзбекистон Республикаси Олий суди Ахборотномаси” ҳамда “Кучадолатда” газетаси бирлашган таҳририяти (Ш.Ҳамроев), “Одил судлов” - “Правосудие” журнали таҳририяти (К.Убайдиллоев), Олий суднинг Жамоатчилик ва оммавий ахборот воситалари билан ҳамкорлик бошқармаси (А.Абидов), Ахборот-коммуникация технологияларини жорий қилиш ва ахборот хавфсизлигини таъминлаш бошқармаси суд амалиёти обзори “Ўзбекистон Республикаси Олий суди Ахборотномаси”, “Одил судлов” - “Правосудие” журнали ҳамда Олий суднинг веб-сайтида эълон қилинишини таъминласин.

3. Ўзбекистон Республикаси Олий судининг Жиноят ишлари бўйича судлов ҳайъати (Н.Мирзаалимов) ҳамда вилоят ва унга тенглаштирилган судлар раислари зиммасига:


суд амалиёти обзорини барча судьялар иштирокида ўрганиш мақсадида **2022 йил ноябрь ойида** видеоконференцалоқа режимида семинар машғулотини ўтказиш;

ушбу суд амалиёти обзорини вилоят ва унга тенглаштирилган судларнинг жиноят ишлари бўйича судлов ҳайъати, жиноят ишлари бўйича туман, шаҳар судлари ва ҳарбий судларнинг ҳар бир судьясига реестр орқали етказилишини ҳамда суд амалиёти обзорини ўрганиш ва амалиётда фойдаланиш самарадорлигини ошириш юзасидан амалий чоралар кўрилишини таъминлаш юклансин.

4. Ушбу қарор вилоят ва унга тенглаштирилган судларга, жиноят ишлари бўйича туман, шаҳар судлари ва ҳарбий судларга амалиётда фойдаланиш ва ишларни кўришда йўл қўйилаётган камчиликларга чек қўйиш чораларини кўриш учун юборилсин.

5. Мазкур қарорнинг ижросини назорат қилиш Ўзбекистон Республикаси Олий суди раисининг ўринбосари - жиноят ишлари бўйича судлов ҳайъатининг раиси И.Муслимов зиммасига юклансин.

Ўзбекистон Республикаси
Олий суди раиси


Б.Исламов